

Broj: 01-02-434/21

Sarajevo, 29.03.2021. godine

ZAPISNIK

19.REDOVNE SJEDNICE PREDSTAVNIČKOG DOMA PARLAMENTA FEDERACIJE BiH, održane 24.02.2021. godine

Sjednica je počela u 10.15. u Hotelu Hills.

Sjednicom je predsjedavao potpredsjedavajući Mladen Bošković.

Potpredsjedavajući Bošković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdali su: Tašo Dacić, Hajrudin Žilić, Amor Mašović, Melika Mahmutbegović, Ivan Musa, Zeid Mujić, Stanko Musa, Edita Mazić, Josip Martić, Dževad Adžem, Mirsad Zaimović, Hasan Muratović, Samer Rešidat i Jelka Milićević.

Zapisnik 16. redovne sjednice usvojen je bez primjedbi.

U raspravi o izmjenama i dopunama dnevnog reda učestvovali su: Irfan Čengić, Miomirka Melank, Alma Kratina i Sabina Ćudić.

Prijedlog da se pod tačkom 5. uvrsti Informacija o realizaciji zaključka broj V. 83/21 od 14.01.2021. godine usvojen je sa 68 glasova za, bez glasova protiv i bez uzdržanih glasova.

Sa 68 glasova za, bez glasova protiv i bez uzdržanih glasova, usvojen je prijedlog da prva tačka dnevnog reda bude – Informacija o planu cijepljenja protiv COVID – 19 u Federaciji BiH i izmjene i dopune Plana cijepljenja protiv Covid-19 u Federaciji BiH.

Prijedlog Zakonodavno-pravne komisije da se u dnevni red uvrsti tačka – Razmatranje i očitovanje Predstavničkog doma Parlamenta FBiH o odlukama Ustavnog suda BiH iz kojih proizilazi stav da je izostala kontinuirana i aktivna parlamenatrana kontrola i nadzor nad naredbama i mjerama koje su donesene od strane kriznih štabova ministarstava zdravstva u Federaciji BiH.

Prijedlog zastupnika Irfana Čengića da se sa dnevnog reda povuče tačka – Nacrt Zakona o advokaturi Federacije BiH nije usvojen (28 za, bez glasova protiv i uz 40 uzdržanih glasova).

Sa 69 glasova za, bez glasova protiv i uz jedan uzdržani glas, usvojen je sljedeći

DNEVNI RED

1. Informacija o planu cijepljenja protiv COVID -19 u Federaciji BiH i izmjene i dopune plana cijepljenja protiv Covid -19 u Federaciji BiH,
2. Nacrt Zakona o advokaturi
3. Nacrt Zakona o vještacima,
4. Nacrt Zakona o zaštiti prava na suđenje u razumnom roku,
5. Nacrt Zakona o izmjenama i dopunama Zakona o zaštiti korisnika finansijskih usluga,
6. Nacrt Programa rada Predstavničkog doma Parlamenta FBiH,
7. Prijedlog Odluke o davanju saglasnosti na Srednjoročni plan održavanja, zaštite, rekonstrukcije izgradnje i obnove autocesta, brzih cesta i magistralnih cesta za period 2020.-2023. godina,

8. Prijedog Odluke o prihvatanju zaduženja po Ugovoru o finansiranju između BiH i Evroske Investicijske banke (EIB) za realizaciju Projekta izgradnje dionica autoceste Medakovo-Poprikuše na Koridoru Vc,
9. Izvještaj o poslovanju JP Međunardoni aerodrom Sarajevo d.o.o. Sarajevo za 2019. godinu,
10. Izvještaj o poslovanju BH Gasa d.o.o. Sarajevo za 2019. godinu,
11. Godišnji izvještaj Društva za 2019. godinu "Sarajevoputevi" d.d. Sarajevo,
12. Izvještaj Federalnog pravobranilaštva za 2018. godinu,
13. Informacija o donošenju odluka o propisivanju mjera neposredne kontrole cijena proizvoda od interesa za Federaciju BiH,
14. Kvartalni izvještaj o dugu Q4/20,
15. Informacija o usvojenim zaključcima sa Konferencije predsjedavajućih parlamenata u BiH:
 - a) Plan prioriteta za parlamente u BiH za ubrzanje procesa evropskih integracija,
 - b) Zajednička izjava članova Kolegija parlamenata u BiH,
16. Razmatranje i očitovanje Predstavničkog doma Parlamenta FBiH o odlukama Ustavnog suda BiH iz kojih proizilazi stav da je izostala kontinuirana i aktivna parlamenatna kontrola i nadzor nad naredbama i mjerama koje su donesene od strane kriznih štabova ministarstava zdravstva u Federaciji BiH,
17. Izbroj i imenovanja.

1. Informacija o planu cijepljenja protiv COVID -19 u Federaciji BiH i izmjene i dopune plana cijepljenja protiv Covid -19 u Federaciji BiH,

Informaciju je dostavila Vlada FBiH.

Ispred Vlade FBiH dodatno obrazloženje dao je Sanjin Musa.

Ispred Odbra za zdravstvo obrazlagao je Mirsad Kacila.

U raspravi su učestvovali: Alma Kratina, Mara Đukić, Ahmed Džubur, Sabina Ćudić, Damir Mašić, Husein Rošić, Sanela Prašović- Gadžo, Belma Pojskić, te Goran Čerkez i Sanjin Musa.

Predstavnički dom primio je k znanju Informaciju o planu cijepljenja protiv COVID -19 u Federaciji BiH i izmjene i dopune plana cijepljenja protiv Covid -19 u Federaciji BiH.

Predloženi su i usaglašeni zaključci predstavnika Odbora za zdravstvo, Federalnog ministarstava zdravstva i Kolegija Doma.

Sa 55 glasova za, bez glasova protiv i bez uzdržanih glasova, usvojeni su sljedeći:

ZAKLJUČCI

1. Zadužuje se Vlada FBiH da formira ad hoc tim za direktne pregovore sa proizvođačima cjepiva (odmah). U tim uključiti predstavnike Odbora za zdravstvo Predstavničkog doma Parlamenta FBiH.
2. Hitno održati sastanak premijera Federacije BiH, Federalnog ministarstva zdravstva, premijera svih kantonalnih vlada, ministara zdravstva u vladama kantona i predstavnika Odbora za zdravstvo Predstavničkog doma Parlamenta Federacije BiH u roku od 72 sata, do sedam dana, a u cilju jedinstvenog nastupa u procesu nabavke cjepiva i cijepljenja stanovništva.
3. Aktivirati Ministarstvo vanjskih poslova Bosne i Hercegovine da se sa svojim diplomatsko-konzularnim predstavnicima aktivno uključe u direktnu komunikaciju sa proizvođačima cjepiva.
4. Dopuniti član 10. Zakona o javnim nabavkama kojim bi se izuzela primjena Zakona o slučajevima nabavke rizičnih lijekova (cjepiva) u uvjetima pandemije, odnosno epidemije zaraznih bolesti većih razmjera, a u cilju zaštite javnog zdravlja stanovništva i sprečavanja transmisije zaraznih bolesti za koje je oglašena pandemija, odnosno epidemija.

5. Dopuniti član 63. Zakona o lijekovima i medicinskim sredstvima kojim bi se omogućilo, da izuzetno, u uvjetima pandemije, odnosno epidemije zaraznih bolesti, uvoz i velepromet rizičnih lijekova (cjepiva), pored veleprometnika, mogu raditi i proizvođač cjepiva na način i pod uvjetima deklariranim od proizvođača.

2. Nacrt Zakona o advokaturi

Nacrt Zakona dostavila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Federalnog ministarstva pravde dodatno obrazloženje dao je Sanin Pačariz.

U raspravi su učestvovali: Irfan Čengiđ, Adisa Kokić-Hinović, Amer Obradović, Damir Mašić, Mirsad Čamdžić, Husein Rošić i Eldin Vrače.

Sa 57 glasova za, bez glasova protiv i uz jedan uzdržani glas, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona advokaturi i smatra da može poslužiti kao osnov za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanoj formi, te provede javnu raspravu u trajanju od 60 dana.

Kub zastupnika SDP predložio je zaključak u vezi ove tačke dnevnog reda, koji nije usvojen (17 za, bez glasova protiv i 35 uzdržanih glasova).

3. Nacrt Zakona o vještacima,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Damir Šapina.

U raspravi su učestvovali: Adisa Kokić-Hinović, Asim Kamber i Goran Akšamija.

Sa 64 glasa za, bez glasova protiv i bez uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona vještacima i smatra da može poslužiti kao osnov za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanoj formi, te provede javnu raspravu u trajanju od 60 dana.

4. Nacrt Zakona o zaštiti prava na suđenje u razumnom roku

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Sanjin Pačariz.

U raspravi je učestvovala: Jasmina Zubić.

Sa 47 glasova za, tri glasa protiv i četiri uzdržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o zaštiti prava na suđenje u razumnom roku i smatra da može poslužiti kao osnov za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanoj formi, te provede javnu raspravu u trajanju od 60 dana.

5. Nacrt Zakona o izmjenama i dopunama Zakona o zaštiti korisnika finansijskih usluga,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Jasmin Rustemi.

Sa 55 glasova za, bez glasova protiv i bez suzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o zaštiti korisnika finansijskih usluga, i smatra da može poslužiti kao osnov za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanoj formi.

Pauza do 15.00

6. Nacrt Programa rada Predstavničkog doma Parlamenta FBiH,

Nacrt Programa rada utvrdio je Kolegij Doma.

Nacrt Programa rada razmatrala su nadležna radna tijela i dostavila izvještaje.

Ispred Klegija Mladen Bošković dao je dodatno obrazloženje.

Ispred Komisije za mlade obrazlagao je Eldar Čomor.

U raspravi su učestvovali: Safer Demirović, Jasmina Zubić, Adis Arapović i Sanela Klarić.

Sa 61 glasom za, bez glasova protiv i bez uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Programa rada Predstavničkog doma Parlamenta FBiH, i smatra da može poslužiti kao osnov za izradu prijedloga Programa.

Zadužuje se predlagač da prilikom izrade prijedloga Programa uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanoj formi.

Kub zastupnika Naša stranka predložio je zaključak u vezi ove tačke dnevnog reda, koji nije usvojen (28 za, bez glasova protiv i 29 uzdržanih glasova).

7. Prijedlog Odluke o davanju saglasnosti na Srednjoročni plan održavanja, zaštite, rekonstrukcije izgradnje i obnove autocesta, brzih cesta i magistralnih cesta za period 2020.-2023. godina,

Prijedlog Odluke utvrdila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Jadranko Puljić.

Ispred Odbora za promet i komunikacije obrazlagao je Adin Huremović.

U raspravi su učestvovali: Adin Huremović, Marijan Klaić, Irfan Čengić, Rahim Gadžić, Elma Đogić, Mirsad Pindžo, Safer Demirović, Miomirka Melank, Tahir Nuhić, Nedžad Šečić i Albin Muslić.

Prijedlog Odluke o davanju saglasnosti na Srednjoročni plan održavanja, zaštite, rekonstrukcije izgradnje i obnove autocesta, brzih cesta i magistralnih cesta za period 2020.-2023. godina nije usvojen (12 za 28 protiv i 17 uzdržanih glasova).

Odbor za promet i komunikacije predložio je zaključak. Sa 50 glasova za, bez glasova protiv i uz 10 uzdržanih glasova, usvojeni su sljedeći:

ZAKLJUČCI

1. U cilju otklanjanja zastoja i ubrzanja izgradnje preostalih dionica Koridora Vc, zadužuje se Vlada FBiH da pripremi i dostavi Parlamentu Federacije BiH sveobuhvatan plan izgradnje neizgrađenih dionica Koridora Vc sa jasnim vremenskim i finansijskim okvirom.
2. Zadužuje se Vlada Federacije BiH da u srednjoročne strateške dokumente (Program javnih investicija FBiH 2021-2023 i Srednjoročni program održavanja i zaštite, rekonstrukcije, izgradnje i obnove javnih cesta koje su u nadležnosti FBiH) u okviru izgradnje Koridora Vc u prioritet uvrsti i dionicu Ivan-Ovčari, kako bi se pristupilo procesu projektovanja i osiguranja kreditnih i grant sredstava za izgradnju ove dionice. Također planom obuhvatiti studije, projektovanje i početak gradnje brze ceste Bihać-Velika Kladuša i autoceste A2: Orašje-Tuzla, autoceste A3 Tuzla- Žepče i brza cesta Mostar-Široki Brijeg.
3. Kako bi se osigurao efikasniji nadzor i praćenje izgradnje preostalih dionica Koridora VC Parlament Federacije BiH zadužuje Vladu Federacije BiH da u koordinaciji sa kreditorima i Delegacijom EU u BiH, u skladu sa primjerima dobre prakse, uspostavi upravljački odbor za praćenje izgradnje Koridora Vc.
4. Zadužuje se Vlada FBiH da u upravljački odbor za praćenje izgradnje Koridora Vc predvidi dva predstavnika iz Odbora za promet i komunikacije.
5. Zadužuje se Vlada Federacije BiH da ove zaključke dostavi i kreditorima (EBRD i EIB), te delegaciji EU u BiH.
6. Zadužuje se Vlada Federacije BiH da za preostale dionice Koridora Vc, osim u slučaju izgradnje Tunela Prenj, ne primjenjuje model ugovaranja „projektuj i izgradi, te da se za preostale dionice primjenjuje model ugovaranja građevinskih radova prema glavnim projektima koje obezbjeđuje Naručioc.
7. Zadužuje se Vlada Federacije BiH da Parlamentu Federacije BiH dostavi pregled ugovorenih vrijednosti svih izgrađenih dionica Koridora Vc, uključujući i one čija je izgradnja u toku, u odnosu na stvarne troškove istih, kao i pregled ugovorenih u odnosu

na stvarni rok izgradnje izgrađenih dionica, te pregled stvarnih u odnosu na planirane troškove po kilometru autoceste, sa pratećom analizom i obrazloženjem.

8. Zadužuje se Vlada Federacije BiH da obezbjedi da Strategija razvoja magistralnih cesta koju donosi Parlament FBiH na osnovu prijedloga Vlade bude usklađen sa članovima 22. i 24. Zakona o cestama FBiH. Program JP Cesta koji je temelj za prijedlog Vlade ne predstavlja razvojni program za magistralne ceste u FBiH, nije pokazao da je zadovoljivo osnovne kriterije pri odabiru objekata i dionica za održavanje i izgradnju te da nije uskladio predviđene projekte sa budžetom, odnosno raspoloživim sredstvima.
9. Zadužuje se Vlada Federacije FBiH da obezbjedi da cjelokupni srednjoročni program za magistralne ceste bude obrađen na način predviđen Zakonom o cestama FBiH, član 22. i 24. jer on predstavlja bazu za godišnje planove, a predati dokument na žalost ne služi predviđenoj svrsi. Ovdje prije svega mislimo na program redovnog održavanja koji kako JP Ceste navode predstavlja najveću stavku rashoda pa je neprihvatljivo da takav program bude u suprotnosti sa Zakonom o cestama FBiH. Pored toga program realizacije strateških projekata kao i poboljšanje sigurnosti prometa moraju biti urađeni na način predviđen Zakonom o cestama FBiH, jer jedino takvi mogu koristiti svrsi.
10. Zadužuje se Vlada Federacije FBiH da obezbjedi da JP Ceste u svom Programu na osnovu usvojenih kriterija rasporede raspoloživa sredstva po dionicama tj. da tabelu 9. prilagode tabeli 8. iz programa kako bi raspored i utrošak sredstava bio transparentan.
11. Zadužuje se Vlada Federacije FBiH da obezbjedi da srednjoročni program za magistralne ceste sadrži aktivnosti na izradi studijske i projektne dokumentacije za izgradnju novih dionica magistralnih cesta (Bihać – Bosanska Krupa i dr) u cilju ispunjenja zadataka iz Transportne strategije, a skladu sa Zakonom o cestama.
12. Zadužuje se Vlada Federacije FBiH da obezbjedi da Plan rasporeda sredstava za redovno održavanje koji je u srednjoročnom programu JP Cesta dat u tabeli 9. ne sadrži povećanje na godišnjem nivou. U vezi s tim zaustaviti izmjene kategorija cesta – prekategoricizaciju ceste – jer je potrebno prije toga osigurati sredstva za njihovo održavanje i uraditi raspodjelu u skladu sa usvojenim kriterijima.
13. Zadužuje se Vlada Federacije FBiH da obezbjedi da se planiraju i izvedu aktivnosti na izradi studijske i projektne dokumentacije za izgradnju obilaznica gradova (Konjic, Jablanica...) u cilju ispunjenja zakonskih obaveza.
14. Zadužuje se Vlada Federacije FBiH da obezbjedi da izgradnja brze ceste Lašva – Nević Polje koja se finansira odlukom Vlade FBiH o usvajanju Programa utroška dijela sredstava „Kapitalni transferi javnim preduzećima – transfer za izgradnju autocesta i brzih cesta“ bude urađena isključivo po tehničkim kriterijima i standardima za brzu ceste kako je definisano u Zakonu o cestama tačka 8.

Zastupnici Petar Galić i Ante Baković predložili su zaključke.

Sa 53 glasa za, bez glasova protiv i uz pet uzdržanih glasova, usvojeni su sljedeći:

ZAKLJUČCI

1. Zadužuje se JP Autoceste Federacije BiH da u Srednjoročni program održavanja, zaštite, rekonstrukcije, izgradnje i obnove autocesta, brzih cesta i magistralnih cesta 2020.-2023. godine uključi i slijedeće projekte:
 - a) Modernizaciju dijela magistralne ceste M15 Šujica – Tomislavgrad, što podrazumijeva projektiranje i izvođenje radova u cilju poboljšanja elemenata ceste na mjestima crnih tačaka i opasnih mjesta, na kojoj se godišnje dogodi preko 35% saobraćajnih nesreća od ukupnog broja na području Općine Tomislavgrad.

- b) Sanaciju „Obilaznice Tomislavgrad“ kao dijela magistralne ceste M15, što podrazumijeva rekonstrukciju i sanaciju uništenog kolnika na spomenutoj dionici ceste.
- c) Izgradnja trake za spora vozila na magistralnoj cesti M6.1, dionica Karlov Han-Kolo, što podrazumijeva projektiranje i izvođenje radova. Ova je dionica opterećena redovnim, a posebno teretnim prometom s graničnog prijelaza Kamensko.
- d) Rekonstrukcija magistralne ceste M16.5 Karlov Han-Kazaginac, što podrazumijeva projektiranje i izvođenje radova. Ova cesta je nedavno kategorizirana u magistralnu cestu, te je ista opterećena teretnim i redovnim prometom prema graničnom prijelazu Kamensko, odnosno prema Republici Hrvatskoj.

Irfan Čengić predložio je zaključak. Sa 50 glasova za, bez glasova protiv i uz 10 uzdržanih glasova, usvojen je sljedeći:

ZAKLJUČAK

Zadužuje se Vlada Federacije BiH da donese Odluku o kategorizaciji cesta u autoceste i brze ceste, magistralne ceste i regionalne ceste.

Rok za donošenje Odluke je 30 dana, od dana usvajanja ovog zaključka.

8. Prijedlog Odluke o prihvatanju zaduženja po Ugovoru o finansiranju između BiH i Evropske Investicijske banke (EIB) za realizaciju Projekta izgranje dionica autoceste Medakovo-Poprikuše na Koridoru Vc,

Prijedlog Odluke utvrdila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je ministrica Jelka Milićević.

U raspravi je učestvovao Suad Kaknjo.

Sa 53 glasa za, bez glasova protiv i uz pet uzdržanih glasova, usvojen je Prijedlog Odluke o prihvatanju zaduženja po Ugovoru o finansiranju između BiH i Evropske Investicijske banke (EIB) za realizaciju Projekta izgranje dionica autoceste Medakovo-Poprikuše na Koridoru Vc,

9. Izvještaj o poslovanju JP Međunardoni aerodromom Sarajevo d.o.o. Sarajevo za 2019. godinu,

Dodatno obrazloženje dao je v.d. direktora Alan Bajić.

U raspravi su učestvovali: Nihad Čolpa, Irfan Čengić i v.d. direktora Alan Bajić.

Na osnovu pojedinačnog izjašnjavanja, sa 51 glasom za, bez glasova protiv i uz osam uzdržanih glasova, usvojen je Izvještaj o poslovanju JP Međunardoni aerodromom Sarajevo d.o.o. Sarajevo za 2019. godinu.

Nihad Čolpa predložio je zaključak. Sa 54 glasa za, bez glasova protiv i bez uzdržanih glasova usvojen je sljedeći:

ZAKLJUČAK

Predstavnički dom Parlamenta FBiH nalaže Vladi FBiH da u Odluci o putničkoj taksi – naknade za razvoj i unapređenje avio prometa BiH briše odredbu kojom je svaki odlazeći putnik sa međunarodnog aerodroma u Sarajevu dužan platiti 20 KM takse, te da se unapređenje aerodromskog saobraćaja za aerodrome Tuzla i Mostar planira kroz Budžet Federacije BiH.

Irfan Čengić predložio je zaključak. Sa 55 glasova za, bez glasova protiv bez uzdržanih glasova, usvojen je sljedeći:

ZAKLJUČAK

Zadužuje se JP Međunarodni aerodrom Sarajevo da uz Izvještaj o poslovanju JP Međunarodni aerodrom Sarajevo za 2020. godinu dostavi detaljno informaciju o smanjenju plata radnicima u toku 2020. godine zbog pandemije COVID-19.

Zadužuje se JP Međunarodni aerodrom Sarajevo da uz Izvještaj o poslovanju JP Međunarodni aerodrom Sarajevo za 2020. godinu dostavi Plan kojim bi se u narednom periodu nadoknadio gubitak plata radnicima u toku 2020. godine, uz plan da se Parlamentu FBiH pripremi i finansijska projekcija potrebnih sredstava za realizaciju tog plana.

10. Izvještaj o poslovanju BH Gasa d.o.o. Sarajevo za 2019. godinu,

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

V.d. direktora Jasmin Salkić dao je dodatno obrazloženje.

Ispred Odbora za energetiku, rudarstvo i industriju dato je dodatno obrazloženje Bahrudin Šarić.

Sa 51 glasom za, bez glasova protiv i uz sedam uzdržanih glasova usvojen je Izvještaj o poslovanju BH Gasa d.o.o. Sarajevo za 2019. godinu.

Odbor za energetiku, rudarstvo i industriju, predložio je zaključke.

Sa 51 glasom za, bez glasova protiv i bez uzdržanih glasova, usvojeni su je sljedeći:

ZAKLJUČCI

1. Prihvata se Izvještaj o poslovanju BH Gasa do.o. Sarajevo za 2019. godinu uz prijedlog da se pomogne ovom društvu u izgradnji novog plinovoda.
2. Zbog hitne potrebe usvajanja zakonodavstva na državnom nivou usklađenog sa Trećim energetske paketa u oblasti električne energije i plina, Predstavnički dom Parlamenta FBiH traži od Vijeća ministara BiH i nadležnih državnih i entitetskih ministarstava uključujući i državne institucije (DERK; NOS), koje su vezane za donošenje zakonodavnog okvira za oblast električne energije i plina na državnom nivou, da učine neophodne korake kako bi se usaglasile evidentne razlike i donio Zakon o regulatoru električne energije u Bosni i Hercegovini, u što kraćem roku, a sve u okviru ponuđene pomoći i organizaciji Evropske unije – Delegacije u Bosni i Hercegovini i USAID-a.
3. Tražimo da Vlada FBiH pristupi izradi zakona o južnoj plinskoj interkonekciji s Republikom Hrvatskom (preko Zagvozda).
4. Zadužuje se Vlada FBiH da u saradnji sa partnerima u hitnom roku usaglasiti entitetske zakone o električnoj energiji i prirodnom plinu međusobno i sa državnim zakonom.

Potrebno je pristupiti usaglašavanju i usvajanju Zakona o električnoj energiji u Federaciji BiH sa odredbama državnog Zakona o regulatoru električne energije i plina, prijenosu i tržištu električne energije u BiH, nakon njegovog usvajanja, kako bi se u isti transponirale odredbe Trećeg energetske paketa.

Neophodna je izrada i usvajanje Zakona o plinu FBiH koji će biti usaglašen sa državnim Zakonom o regulatoru električne energije i plina, prijenosu i tržištu

električne energije u BiH, nakon njegovog usvajanja i harmoniziran sa izmijenjenim Zakonom o plinu Republike Srpske.

11. Godišnji izvještaj Društva za 2019. godinu "Sarajevoputevi" d.d. Sarajevo,

Ispred Sarajevoputeva dodatno obrazloženje dala je direktorica Nataša Fazlić.

U raspravi su učestvovali: Nasiha Pozder i Sanela Prašović-Gadžo.

Godišnji izvještaj Društva za 2019. godinu "Sarajevoputevi" d.d. Sarajevo, nije usvojen (27 za, 16 protiv i devet uzdržanih glasova).

12. Izvještaj Federalnog pravobranilaštva za 2018. godinu,

Izvještaj je dostavio Federalni pravobranitelj, koji je i dao dodatno obrazloženje.

U raspravi je učestvovala Jasmina Zubić.

Izvještaj Federalnog pravobranilaštva za 2018. godinu, nije usvojen (19 za, sedam protiv i 27 uzdržanih glasova).

13. Informacija o donošenju odluka o propisivanju mjera neposredne kontrole cijena proizvoda od interesa za Federaciju BiH,

Informaciju je dostavila Vlada FBiH.

Ispred Vlade FBiH obrazloženje je dao ministar Vujanović.

Predstavnički dom primio je k znanju Informaciju o donošenju odluka o propisivanju mjera neposredne kontrole cijena proizvoda od interesa za Federaciju BiH

14. Kvartalni izvještaj o dugu Q4/2020

Izvještaj je dostavila Vlada FBiH.

Izvještaj su razmatrala nadležna radna tijela i dostavila izvještaje.

U raspravi niko nije učestvovao.

Predstavnički dom primio je k znanju Kvartalni izvještaj o dugu Q4/2020.

15. Informacija o usvojenim zaključcima sa Konferencije predsjedavajućih parlamenata u BiH:

a) **Plan prioriteta za parlamente u BiH za ubrzanje procesa evropskih integracija,**

b) **Zajednička izjava članova Kolegija parlamenata u BiH,**

U raspravi niko nije učestvovao.

Predstavnički dom primio je k znanju Informaciju o usvojenim zaključcima sa Konferencije predsjedavajućih parlamenata u BiH: Plan prioriteta za parlamente u BiH za ubrzanje procesa evropskih integracija, Zajednička izjava članova Kolegija parlamenata u BiH,

16. Razmatranje i očitovanje Predstavničkog doma Parlamenta FBiH o odlukama Ustavnog suda BiH iz kojih proizilazi stav da je izostala kontinuirana i aktivna parlamenatna kontrola i nadzor nad naredbama i

**mjerama koje su donesene od strane kriznih štabova ministarstava
zdravstva u Federaciji BiH,**

Ova tačka dnevnog reda uvrštena je na prijedlog Zakonodavno-pravne komisije.
Albin Muslić ispred Komisije dao je dodatno obrazloženje.

Sa 51 glasom za, bez glasova protiv i bez uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije Bosne i Hercegovine, postupajući po odlukama Ustavnog suda BiH, zadužuje Vladu Federacije BiH da u roku od 30 dana uputi u parlamentarnu proceduru, po hitnom postupku, zakon koji bi regulisao parlamentarni nadzor i nadzor izvršne vlasti, jednom u 30 dana, nad odlukama koje donosi Krizni štab Federalnog ministarstva zdravstva vezanih za mjere zaštite od širenja virusa Covid 19, a koji će predvidjeti i obavezu premijera Vlade FBiH da svakih 30 dana izvještava Parlament Federacije BiH o svim aktivnostima.

17. Izbri i imenovanja

Komisija za izbor i imenovanja na svojoj 10. sjednici razmatrala je Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta FBiH. Predloženi članovi ispred Predstavničkog doma: Dario Knezović, Mira Grgić, Salko Zildžić, Hajrudin Žilić i Azra Hadžić. Predloženi članovi ispred Doma naroda: Alisa Hajdarović, Senad Čeljo, Vesna Saradžić, Ivan Ivić i Rasim Kantarević. Za predsjednika Komisije predlaže se Ivan Ivić, a za zamjenika Salko Zildžić.

Sa 52 glasa za, bez glasova protiv i bez uzdržanih glasova, usvojena je Odluka o izboru članova u Zajedničku komisiju za usaglašavanje različito usvojenih tekstova zakona u domovima Parlamenta FBiH.

Potpredsjedavajući Mladen Bošković zaključio je rad sjednice u 18.58.

Transkript i prijepis transkripta sjednice čine sastavni dio Zapisnika.

**SEKRETAR
PREDSTAVNIČKOG DOMA
PARLAMENTA FEDERACIJE BIH**

Ivan Miličević

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH**

Mirsad Zaimović